



FOTO RALPH FEINER/52BESTEBAUTEN.CH

## Il cubus cotschen da Tschlin

■ (fmr/lS) Tgi che vegn si Tschlin vesa immediat la halla polyvalenta giudim la vischnanca. In corpus cumpact en betun colurà cotschen, constrüi ils onns 1991–1993. L'edifizi communal è ina da las emprimas ovras dals architectes *Valentin Bearth* (\*1957) ed *Andrea Deplazes* (\*1960). Quels han avrì il 1988 a Cuira in biro ed han bainprest

sveglià attenziun en concurrenzas d'architectura. Or dad ina tal concurrenza è era sortì sco victur l'edifizi da Tschlin. La halla cotschna sa distingua dal rest, ella è però er integrada fitg precis en l'ensemble e reagescha tant sin l'istorgia sco sin la topografia – in exempel per la giovna architectura grischuna da quels onns. Schegea che las paraids èn da be-

tun massiv para l'edifizi sco sch'el fiss constrüi cun plattas pli finas e survegn uschia in aspect dad in pavigliun lev.

La halla polyvalenta da Tschlin è in da 52 edifizis che la Lia grischuna per la protecziun da la patria preschenta en il decurs da quest onn cun l'idea da sensibilisar per la ierta architectonica dals onns 1950 en fin 2000.